



A.D. 1974

La stanzie e je frede ta chest mêsi di Zenâr. Jo no sai cemût che a fasin a resisti i selvuçans. Jo no sai cemût che io stes o rivi a resisti. O vin dome un covertôr blanc parsore dal ninsûl. Doi jetuts. Jo e Jano. Un par jet. Oglala al è cui nonos a recitâ lis litaniiis *ora pro eis* tal jet grant ta chê altre stanzie de cjase coloniche.

O feveli de *la cometa del secolo*.

O soi un astronom in potence e, ancje se o fâs lis elementârs, o sai dut dal systeme solâr e o cjali pe television ducj i documentaris di astronomie. O sint i suns stelârs e o soi plen di maravee pai nûi di stelis.

La comete Kohoutek e varès di jessi une vore visibil ma jo no ai ancjemò viodût nuie. Me pari al à dit di vêle viodude e jal à dit a Diego, chel des stelis.

O spiegghi dut a Jano prime di indurmidîmi.

Une volte al jere vignût un grant aiaron e i scûrs si vierzevin. No vevin ni altri par parâsi. Ma o stoi fevelant dai agns '50. Il nono al rivà cuntun toc di filistrinat a peâ chei scûrs. Cumò o sin avonde parâts, se no altri a son i veris. Ma chel piçul covertorut blanc no nus riscjalde par nuie. Si resist.

O soi un mestri, ancje se o ai dome 11 agns.

Pecjât no vêle viodude, chê comete. Rivade dongje dal Soreli al devi di jessi sucedût alc... no si le viodeve plui tant ben.

A passin i agns.

O sin tal 2016.

O ai une stanzie riscjaldade. O soi plen di cuvieris e di maions. Ma o ai tant frêt.

O ai in man un libri di astronomie.

O ai viodût une grande comete tal '97.

O ai tante pôre.

Il mont lu viôt dut cuintri di me.

di Checo Tam

#931